

საქართველოს სატყეო მეურნეობის სახელმწიფო დეპარტამენტის

თავმჯდომარის ბრძანება №10/63

2000 წლის 29 სექტემბერი

ქ. თბილისი

დებულების "განსაკუთრებული ფუნქციური დანიშნულების და ლანდშაფტური უბნის გამოყოფისა და მათთვის შესაბამისი სტატუსის მინიჭების შესახებ" დამტკიცების თაობაზე

საქართველოს კანონის "საქართველოს ტყის კოდექსის შესახებ" (მიღებულია 1999 წლის 22 ივნისი №2124-III) ოცდამეთხუთმეტე თავის 116-ე მუხლის დ.ა.) ქვეპუნქტის მოთხოვნათა შესრულების უზრუნველსაყოფად ვბრძანებ:

1. დამტკიცდეს საქართველოს გარემოსა და ბუნებრივი რესურსების დაცვის სამინისტროსთან შეთანხმებული დებულება "განსაკუთრებული ფუნქციური დანიშნულების და ლანდშაფტური უბნის გამოყოფისა და მათთვის შესაბამისი სტატუსის მინიჭების შესახებ".

2. დაევალოს ტყეთმორწყობისა და ტყითსარგებლობის სამმართველოს (ბატონ ი. ბაბუხაძე) უზრუნველყოს აღნიშნული ბრძანების საქართველოს იუსტიციის სამინისტროში რეგისტრაცია და გამოქვეყნება "საქართველოს საკანონმდებლო მაცნეში" დადგენილი წესის შესაბამისად.

გ. ჯაფარიძე

დებულება

განსაკუთრებული ფუნქციური დანიშნულების და ლანდშაფტური უბნის გამოყოფისა და მათთვის შესაბამისი სტატუსის მინიჭების შესახებ

1. "განსაკუთრებული ფუნქციური დანიშნულების და ლანდშაფტური უბნის გამოყოფისა და მათთვის შესაბამისი სტატუსის მინიჭების შესახებ" დებულების საფუძველზე

დებულება "განსაკუთრებული ფუნქციური დანიშნულების და ლანდშაფტური უბნის გამოყოფისა და მათთვის შესაბამისი სტატუსის მინიჭების შესახებ" ეფუძნება საქართველოს კანონის "საქართველოს ტყის კოდექსის შესახებ" (მიღებულია 1999 წლის 22 ივნისი №2124-II-ს) ოცდამეთხუთმეტე თავის 116-ე მუხლის დ. ა.) ქვეპუნქტს და საქართველოს შესაბამის კანონმდებლობას.

2. განსაკუთრებული ფუნქციური დანიშნულების და ლანდშაფტური უბანი

1. ტყის ფონდის უბნისათვის განსაკუთრებული ფუნქციური დანიშნულების და ლანდშაფტური უბნის სტატუსის მინიჭების მიზანია მისთვის "დაცვის განსაკუთრებული რეჟიმის" მიკუთვნება და ამ უბნის ბიომრავალფეროვნების, თვისებებისა და ფუნქციების დაცვა-გაუმჯობესების მიზნით სატყეო-სამეურნეო ღონისძიებათა რეგლმენტირება.

2. განსაკუთრებული ფუნქციური დანიშნულების უბნის სტატუსი ენიჭება ჭალის ტყეს, ტყის სუბალპურ ზოლს, ტყისპირს ან/და სახელმწიფო სამეურნეო ტყის ფონდის

ისეთ სხვა უბანს, რომელსაც გააჩნია განსაკუთრებული გარემოსდაცვითი ან სხვა სასარგებლო ფუნქცია (ღირებულება) და რომელიც ტყის ფონდის დამოუკიდებელ კატეგორიად არ გამოიყოფა ფართობის სიმცირის გამო.

3. ლანშაფტური უბნის სტატუსი შეიძლება მიენიჭოს მაღალი ესთეტიურობით და დეკორატიულობით გამორჩეულ ტყის უბანს.

4. ჭალის ტყის სტატუსი ენიჭება აღმოსავლეთ საქართველოს ვაკე რელიეფზე და მდინარეების აუზში არსებულ ტყის ფონდს, რომელიც პერიოდულად (წყალდიდობის პერიოდში) იფარება (იტბორება), ან შეიძლება დაიფაროს კალაპოტიდან მდინარის გადმოსვლის გამო.

5. ტყის სუბალპური ზოლის სტატუსი ენიჭება სუბალპური ზონის მიმდებარე 300 მეტრი სიგანის ტყის გავრცელების არეალს.

6. განსაკუთრებული ფუნქციური დანიშნულების უბნის სტატუსი შეიძლება მიენიჭოს აგრეთვე სახელმწიფო სამეურნეო ტყის ფონდის:

- ა) განსაკუთრებით ძვირფასი ტყის მასივებს;
- ბ) ტყის (მასივებს) ზოლებს, რომლებიც მოიცავენ ძვირფასი სარეწაო თევზის საჭვირითეებს ან ცხოველთა მიგრაციის გზებს;
- გ) ტყის დაცვით ზოლებს რკინიგზისა და ავტომაგისტრალების გასწვრივ ბუნებრივ საზღვრამდე (წყალგამყოფი, მდინარე), მაგრამ არაუმეტეს 100 მეტრისა;
- დ) ტყეებს მცირეტყიან რაიონებში;
- ე) სპეციალური მიზნობრივი დანიშნულების ტყეებს და მათ უბნებს (სათესლე და სხვა);

- ვ) ხელუხლებელ, პირველყოფილ (ქალწულ) ტყეებს;
- ზ) სამეცნიერო თვალსაზრისით მნიშვნელოვან ტყეებს;
- თ) წითელ ნუსხაში შეტანილ და რელიქტურ, ენდემურ, ისტორიულ, კულტურულ და სხვა ძვირფას სახეობებს;
- ი) უნიკალური პროდუქტიულობისა და გენეტიკური ღირებულების მქონე სახეობებით (ეგზემპლარებით) გაბატონებულ ტყის უბნებს;
- კ) ტყეებს, რომელთა მდგრადი განვითარება საფრთხეშია მავნებლების, დაავადებების ან ინტენსიური ექსპლოატაციის შედეგად დაზიანების გამო;
- ლ) ტყეებს მდინარეების, ხელოვნური და ბუნებრივი წყალსაცავების, სასმელი წყლის სათავეების, ხეებისა და ხრამების ნაპირზე; (100 მეტრამდე ზოლში და რელიეფის გათვალისწინებით)

მ) მუდმივზვავსავალებს და მათ მიმდებარე ზოლებს, ქარისმიერი და წყლისმიერი ეროზიის საწინააღმდეგო დანიშნულების ტყეებს და მიწებს;

- ნ) ნაკაფებს, ნახანძრალებს, ჭრაგავლილ უბნებს;
- ო) განსაკუთრებული მნიშვნელობის მქონე და სხვა ტყეებს;

3. სახელმწიფო სამეურნეო ტყის ფონდზე განსაკუთრებული ფუნქციური დანიშნულების უბნის შერჩევა

1. განსაკუთრებული ფუნქციური დანიშნულების უბანი შეიძლება შეირჩეს როგორც ტყის, ასევე ტყის ფონდის მიწებზე, რომლის ფართობიც არანაკლებ სატაქსაციო უბნის სიდიდისაა (0,5 ჰა).

2. გასაკუთრებული ფუნქციური დანიშნულების და ლანდშაფტური უბანი შეირჩევა ძირითადად ტყეთმოწყობის შედეგად, ხოლო ტყეთმოწყობებს შორის პერიოდში სპეციალური გამოკვლევების შედეგად.

3. ტყეთმომწყოები, სატყეო მეურნეობა და ადგილობრივი თვითმმართველობისა და მმართველობის ორგანოების შესაბამისი სატყეო სამსახური ვალდებულია თავის სამოქმედო ტერიტორიაზე გამოავლინოს ჭალის ტყე, განსაკუთრებული ფუნქციური დანიშნულების ან ლანდშაფტური უბანი და სათანადო სტატუსის მინიჭების მიზნით წინადადებით შევიდეს შესაბამისად სატყეო მეურნეობის სახელმწიფო დეპარტამენტის ან ადგილობრივი თვითმმართველობისა და მმართველობის ორგანოების წინაშე.

4. ჭალის ტყე, განსაკუთრებით ძვირფასი ტყის მასივი, ხელუხლებელი, პირველყოფილი (ქალწული) ტყე და ტყის სუბალპური ზოლი გამოიყოფა ტყის ყველა კატეგორიაში.

4. სახელმწიფო სამეურნეო ტყის ფონდის უბნისათვის განსაკუთრებული ფუნქციური დანიშნულების უბნის სტატუსის მინიჭება

1. სახელმწიფო სამეურნეო ტყის ფონდის უბანს, გარდა ადგილობრივი ტყის ფონდისა, განსაკუთრებული ფუნქციური დანიშნულების, მათ შორის ჭალის ტყის და ტყის სუბალპური ზოლის, აგრეთვე ლანდშაფტური უბნის სტატუსს ანიჭებს სატყეო მეურნეობის სახელმწიფო დეპარტამენტი, ხოლო ადგილობრივი ტყის ფონდის უბანს, ადგილობრივი თვითმმართველობისა და მმართველობის ორგანოები სატყეო მეურნეობის სახელმწიფო დეპარტამენტთან შეთანხმებით.

2. სატყეო მეურნეობის სახელმწიფო დეპარტამენტს სახელმწიფო სამეურნეო ტყის ფონდის უბნისათვის განსაკუთრებული ფუნქციური დანიშნულების და ლანდშაფტური უბნის სტატუსის მინიჭების შესახებ მასალები წარედგინება ტყეთმომწყოების მასალებთან ერთად, ხოლო ტყეთმომწობებს შორის პერიოდში, აუცილებლობის შემთხვევაში.

3. სახელმწიფო სამეურნეო ტყის ფონდის უბნისათვის განსაკუთრებული ფუნქციური დანიშნულების და ლანდშაფტური უბნის სტატუსის მინიჭების შესახებ სატყეო მეურნეობის სახელმწიფო დეპარტამენტის წინაშე წინადადების დასმის უფლება აქვთ:

- ა) სამთავრობო (მ.შ. ავტონომიური რესპუბლიკების) დაწესებულებებს;
- ბ) ადგილობრივი თვითმმართველობისა და მმართველობის ორგანოებს;
- გ) სატყეო მეურნეობის სახელმწიფო დეპარტამენტის დაქვემდებარებაში არსებულ დაწესებულებებს;
- დ) ფიზიკურ და ირიდიულ პირებს.

4. სახელმწიფო სამეურნეო ტყის ფონდის უბანს განსაკუთრებული ფუნქციური დანიშნულების და ლანდშაფტური უბნის სტატუსი ენიჭება განსაზღვრული ვადით ან უვადოდ.

5. განსაკუთრებული ფუნქციური დანიშნულების და ლანდშაფტური უბნის სტატუსის მიმნიჭებელი ორგანო თითოეული ასეთი უბნისათვის, შესაბამისი სტატუსის მინიჭებასთან ერთად, გამოსცემს ამ უბნის მართვის თავისებურებათა წესებს (დირექტივას).

6. განსაკუთრებული ფუნქციური დანიშნულების, მათ შორის ჭალი ტყის, ტყის სუბალპური ზოლის, აგრეთვე ლანდშაფტური უბნის საზღვრები (გამიჯვნა სხვა ტერიტორიებისაგან), შესაძლებლობის ფარგლებში, მაქსიმალურად უნდა იყოს მიახლოებული ბუნებრივ საზღვრებთან.

5. განსაკუთრებული ფუნქციური დანიშნულების უბნის მართვა

1. განსაკუთრებული ფუნქციური დანიშნულების, მათ შორის ჭალი ტყის, ტყის სუბალპური ზოლის, აგრეთვე ლანდშაფტური უბნის მართვას ახორციელებს შესაბამისად:

ა) სახელმწიფო ტყის ფონდის დაცულ ტერიტორიებზე, დაცული ტერიტორიების, ნაკრძალებისა და სამონადირეო მეურნეობის სახელმწიფო დეპარტამენტის შესაბამისი საქვეუწყებო დაწესებულება;

ბ) სახელმწიფო სამეურნეო ტყის ფონდის ტერიტორიებზე, ადგილობრივი ტყის ფონდის გარდა, სატყეო მეურნეობის სახელმწიფო დეპარტამენტის საქვეუწყებო დაწესებულება;

გ) ადგილობრივი ტყის ფონდის ტერიტორიებზე – ადგილობრივი თვითმმართველობისა და მმართველობის ორგანოების შესაბამისი სამსახური.

2. განსაკუთრებული ფუნქციური დანიშნულების უბნის მართვა ხორციელდება ამ დებულების მე-4 მუხლის მე-5 პუნქტით განსაზღვრული წესის (დირექტივის) შესაბამისად.

6. ტყით სარგებლობა განსაკუთრებული ფუნქციური დანიშნულების უბანზე

1. განსაკუთრებული ფუნქციური დანიშნულების უბანზე ტყით სარგებლობა ხორციელდება საქართველოს კანონმდებლობისა და ამ დებულების მოთხოვნათა შესაბამისად.

2. განსაკუთრებული ფუნქციური დანიშნულების უბანზე არ შეიძლება დაიგეგმოს და განხორციელდეს:

ა) მთავარი სარგებლობის ჭრა;

ბ) “გარემოსდაცვითი ნებართვების შესახებ” საქართველოს კანონით განსაზღვრული პირველი და მეორე კატეგორიების საქმიანობა.

გ) განსაკუთრებული ფუნქციური დანიშნულების მინიჭების მიზნებისათვის შეუთავსებელი სხვა სატყეო-სამეურნეო ღონისძიება.

7. ტყით სარგებლობის შეზღუდვის თავისებურებანი ჭალის ტყეში და ტყის სუბალპურ ზოლში

1. ჭალის ტყეში, მოსახლეობის საწვავი შემთხვევით უზრუნველსაყოფად შესაბამისი მერქნის მიღების მიზნით მოვლითი და სპეციალური ჭრები ტარდება განსაკუთრებულ შემთხვევებში და ადგილობრივი მოთხოვნილების გათვალისწინებით, მაგრამ არაუმეტეს ტყეთმოწყობის მასალებით დასაშვები ოდენობისა;

2. ტყის სუბალპურ ზოლში აკრძალულია ყველა სახის ტყით სარგებლობის დაგეგმვა და განხორციელება, გარდა:

ა) განსაკუთრებული აუცილებლობის შემთხვევაში ტყის დაცვისა და აღდგენის ღონისძიებების განხორციელებისა;

ბ) ზვავებისა და ნიადაგის ეროზიის საწინააღმდეგო ღონისძიებების განხორციელებისა;

8. განსაკუთრებული ფუნქციური დანიშნულების უბნის დაცვა

1. განსაკუთრებული ფუნქციური დანიშნულების და ლანდშაფტური უბნის დაცვა ხორციელდება ამ უბნის დანიშნულების მიზნებიდან გამომდინარე და გულისხმობს:

ა) ამ უბნის ოპტიმალური ტყიანობის, ბიომრავალფეროვნების და ბუნებრივი სახეობრივი შემადგენლობის დაცვას, შენარჩუნებასა და აღდგენას;

ბ) ამ უზნისათვის დამახასიათებელი თვისებებისა და ფუნქციების დაცვასა და გაუმჯობესებას (გამლიერებას);

გ) ტყის ნიადაგდაცვითი თვისებებისა და სანიტარულ-ჰიგიენური მდგომარეობის დაცვასა და გაუმჯობესებას;

დ) ისეთი საქმიანობის განხორციელების თავიდან აცილებას, რომელიც შეუთავსებელია ამ უზნისათვის განსაკუთრებული სტატუსის მიკუთვნების მიზნებთან.

2. ამ დებულების მე-4 მუხლის მე-5 პუნქტით განსაზღვრული წესი (დირექტივა), "საქართველოს ტყის კოდექსით" გათვალისწინებული შეზღუდვების გარდა, შესაძლებელია შეიცავდეს განსაკუთრებული ფუნქციონალური დანიშნულების და ლანდშაფტურ უბანზე ყველა სახის ტყით სარგებლობისა და სატყეო-სამეურნეო საქმიანობის აკრძალვას.

3. სატყეო მეურნეობა, ადგილობრივი თვითმმართველობისა და მმართველობის ორგანოების შესაბამისი სამსახური უზრუნველყოფს განსაკუთრებული ფუნქციური დანიშნულების და ლანდშაფტური უზნის სათანადო სტატუსის, განსაკუთრებული მოთხოვნებისა და საზღვრების მიმანიშნებელი ფირნიშების დაყენებას ამ უბანთან მისასვლელ გზებსა და ბილიკებზე.

9. ჭალის ტყის და ტყის სუბალპური ზოლის დაცვის განსაკუთრებული თავისებურებანი

1. ჭალის ტყეში:

ა) აკრძალულია ნიადაგის და ინერტული მასის ამოღება-მოპოვება;

ბ) აკრძალულია მდინარის უშუალო სიახლოვეს მაღალტანიანი მცენარეების დარგვა-გაშენება;

გ) დასაშვებია ქვეტყისაგან გაწმენდა ბუნებრივი განახლებისათვის ხელშეწყობის მიზნით, რათა მიღწეული იქნეს ოპტიმალური სიხშირის ბუნებრივი წარმოშობის კორომის ჩამოყალიბება;

დ) აღდგენის და მოვლის ღონისძიებები იგეგმება და ხორციელდება მხოლოდ ბუნებრივი ბიოლოგიური ბალანსის დარღვევის შემთხვევაში და მისი აღდგენის მიზნით, რომლებიც აუცილებლად უნდა ითვალისწინებდნენ ნიადაგის სტრუქტურასა და შემადგენლობას, მდინარისა და გრუნტის წყლების რეჟიმს;

ე) არ შეიძლება მდინარის ნაპირების და ხანგრძლივი დატბორვის ზონაში ხელოვნური ნარგაობების გაშენება;

2. ტყის სუბალპურ ზოლში:

ა) აღდგენისა და მოვლის სამუშაოები შესაძლოა განხორციელდეს მხოლოდ იმ შემთხვევაში, თუ ამ ზოლის არსებული მდგომარეობა ეტალონურისაგან (ბუნებრივისაგან) მკვეთრად განსხვავდება და ეს გამოწვეულია ანთროპოგენული ფაქტორებით, ან სტიქიური მოვლენებით;

ბ) დაცვის განსაკუთრებული მოთხოვნაა საქონლის მოვების აკრძალვა;

3. ტყით სარგებლობასთან დაკავშირებული ამ დებულების მოთხოვნები ვრცელდება სუბალპურ ზონაში მდებარე სახელმწიფო ტყის ფონდის მიწებზეც.

10. განსაკუთრებული ფუნქციური დანიშნულების და ლანდშაფტური უზნის აღდგენა და მოვლა

1. განსაკუთრებული ფუნქციური დანიშნულების და ლანდშაფტური უბნის აღდგენა და მოვლა ხორციელდება ამ უბნის განსაკუთრებული დანიშნულების მიზნებიდან გამომდინარე.

2. განსაკუთრებული ფუნქციური დანიშნულების და ლანდშაფტური უბნის აღდგენისა და მოვლის ძირითადი მიზანია ამ უბნის განსაკუთრებულობის შემქმნელი თვისებებისა და ფუნქციების შენარჩუნება, გაუმჯობესება და ბუნებრივ პირობებთან მაქსიმალურად მიახლოებული ბიომრავალფეროვნებისა და მცენარეთა სახეობრივი შემადგენლობის მოვლა-აღდგენა.

11. საქართველოს ჭალის ტყეების ნუსხა

2000 წლის 1 იანვრის მდგომარეობით ჭალის ტყეების სტატუსი მიეკუთვნოთ ტყეებს დანართის მიხედვით (იხილეთ დანართი).

საქართველოს ჭალის ტყეების ნუსხა

(2000 წლის 1 იანვრის მდგომარეობით)

დანართი

**საქართველოს ჭალის ტყეების ნუსხა
(2000 წლის 1 იანვრის მდგომარეობით)**

N	სატყეო მეურნეობა	სატყეო უბანი	კვარტლის ნომერი	ჭალის ტყის ფართობი (ჰა)	მდინარე	შენიშვნა
1	ახმეტის	მალრანის	24	35	ალაზანი	
		ზემო ხოდაშენის	27,28	345	ალაზანი	
	სულ ახმეტის სატყეო მეურნეობაში			380		
2	თელავის	ფშაველის	108-110	311	ალაზანი	
		ნაფარეულის	94,95	413	ალაზანი	
		იყალთოს	1,2	334	ალაზანი	
		თელავის	3-6	686	ალაზანი	
		წინანდლის	43-46	524	ალაზანი	
		აკურის	62	206	ალაზანი	
	სულ თელავის სატყეო მეურნეობაში			2474		
3	ყვარლის	გრემის	47	25	ალაზანი	
		ყვარლის	104-107	512	ალაზანი	
		ახალსოფლის	99-102	387	ალაზანი	
	სულ ყვარლის სატყეო მეურნეობაში			924		
4	ლაგოდეხის	აფენის	1-20	2680	ალაზანი	
		ალაზნის	1-23	2946	ალაზანი	
	სულ ლაგოდეხის სატყეო მეურნეობაში			5626		
5	გურჯაანის	ლელის	1-5	579	ალაზანი	
		ინაბოტის	სულ	1200	ალაზანი	
	სულ გურჯაანის სატყეო მეურნეობაში			1779		
6	სიღნაღის	წნორის	1-17	2270	ალაზანი	
		აიაურის	1-8	1660	ალაზანი	
		სიღნაღის	1	180	ალაზანი	
		ხირსის	1-8	1026	ალაზანი	
	სულ სიღნაღის სატყეო			5136		

	მეურნეობაში					
7	დედოფლისწყაროს	ქედის	1,2,23,28, 29,35,36	1005	ალაზანი	
8	”საქტყეკაკალნაყოფი“	წითელი ხიდის	3,4	203	ხრამი	
		რუსთავის	1-7	198	ხრამი	
	სულ ”საქტყეკაკალნაყოფი“			401		
9	გარდაბნის აღკვეთილი	კაპარნახჩის	1-5	999	მტკვარი	
		გარდაბნის	1-8	2180	მტკვარი	
		მაგარი ყურის	1	305	მტკვარი	
	სულ გარდაბნის აღკვეთილი			3484		
10	ყორულის აღკვეთილი	სულ	1-17(სულ)	2068	იორი	
11	იორის აღკვეთილი	სულ	1-8(სულ)	1336	იორი	
12	ააჭუნის	სულ	1,2,6-10, 12,14,15	1472	იორი	
13	კრწანისის ტყეპარკი	სულ	1-20	1200	მტკვარი	